

GBC LINK

TEACH, ENTRUST & WITNESS

VOL. VIII • NO. 01 • SPRING SEMESTER 2018



PRINCIPAL'S MESSAGE

GETHEMANE KA NGILH KHA DING!

THUMASA: Khalui kal nanung ah Toupa lungngaih-mangbat kaal i zang uhi. Gethsemane leh Good Friday manggilh vualloh ni poimawh ahi. Laphuaktu in, "Ka hinna kumpipa thupi, Manglukhu ko'n khusak, Na linglukhu ka ngilh kha ding, Kalvari hontun in". "Gethsemane ka ngilh kha ding, Na lungzinna ka ngilh kha ding, Kei nong itna ka ngilh kha ding, Kalvari hontun in" a chih bang in Gethsemani leh Kros i theigige ding uhi.

I. 'GETHEMANE' kammal i zak Chiang in Jesu leh khovel lal kidouna honglang masa hi. Hiai kidouna mial thuneihna lal leh i 'hotdamna Toupa' (captain of salvation) kidouna ahi. Gethsemane huan Jerusalem kho kiang, Olive tangbul phaizul a Olive chinna huan ahi. Hiai mun Toupa'n a nungzuite toh hunawl zatna leh kithuahna mun ahi. A min, Greek pau a, 'Gethsemane' leh Hebrew in 'Gat Shmamim', apan teisawn ahi. Aramic pau in 'Gad-Smane' apan laksawn ahi a, 'sathau sukna' chihna ahi.

II. KHOVEL LAL TOH KIDOUNA: Eden huan ah gul kiang ah Pathian in a tawpna ding leh a vuallehna ding a genkhawh hi (Gen 3.15). Gamdai ah ni somli leh zan somli anngolh nung in kidouna masa kipan hi. Pathian thu zang in Jesu'n kidouna a zou hi. Gethsemane huan ah kidouna nihna ah i Toupa khupbok a, kho-ul sisan a luang in thumna in Kros sihna ding a zou hi. Kidouna taktak Kros ah hong kipan in, numei suan si in vui in om hi. Khovel in lamdang a sak mahmah Kros a kidouna Jesu'n thohnawna in a nuaisahta hi. Khelhna saltange suahtakna leh tangtawn hinna a hon tunta hi.

III. NUNGZUIE LOHSAPNA: Gethsemane thumna kidouna ah nungzuite pilut in om mahle uh a Toupa uh a doupih theikei uhi. Nungzui mi giatte, "Ka thum sung in hiai ah na

tu un" a chi a, Toupa lungkham thawmhau a theihpih pha kei uhi. Nungzuite lak ah Peter, Jakob leh Johan a lametna nei ahi dia, a pituam a, a kha lungkham thu a genpih hi. Amau leng venpih theilou in Jesu'n, Peter kiang ah, "Nou dakkal khat lel leng hon hahpih zoulou na hi umaw?" a chi hi (Matt 26.40). A nihveina-thumveina tan in a ihmud san uhi. Huai sung in Jesu mikhialte khut ah khot ahita hi. Jesu'n "thou un, hiai a kipan i pai ding uh" a chi hi.

THUKHITNA:

Thumna in Toupa kidouna i doupih ding uhi. Olive sing nuai ah Toupa bokkhup in Pathian kiang ah a thum hi. Evan. Spurgeon in, "Olive sing nuai a Toupa khupboh a, 'Pa, hiai nou in honpel mahmah hen, himahleh kei thu hilou in nang thu hihen' a chih in Pathian mangtutphah a thawn hi. Pa Pathian in angelte sam in, 'Kuan unla, Tapa va huh un' a chi hi. Cherubte lak a khat in, 'Awle Toupa, kei ka kuan ding' a chi" chi in a gelh hi. Laphuaktu in, "Angete'n khasiat in en uh, Khuavak gam pan hongpai in; A lungkhamna lungmuan ding in, Tua zan ka kha din a thum" a chi hi. Olive sing nuai a Jesu thumna in a kho-ul sisan luang in hamsia dong leitung ngei Pathian sisan a luan ahita hi. Simtute, Gethsemane, a Toupa lungzinna leh Kros a sihna i thei gige ding uh aw!! -Rev. V. Khamvum, Principal

EDITORIAL

Simtu tengteng na vek un itna chibai ka hon buk hi. Toupa leh a saptuamte itna ziaka GBC a lunglut leh na lunglutna uh langsak dente tungah kipahtu ka hon gen hi. Eite tunga ahoih tawntung van Pathian in sintute leh semtute tengteng kha nih, December 2017 leh January 2018 sung mun tuamtua a khawl hun zanga kikhenzak, manphatak leh dam leh bittaka hon zangsak chiatin January 29 in GBC Campus ahon tungsak nawn siausiau a, thupi in manpha petmah a kithalawpna a liansak petmah hi. January 30 in studentte amau subject lak ding chiat a, dingin kiregister siausiau uhi.

January 31 in Opening ceremony oma, hiaiah EBC General Secretary Rev. S.Vungminthang in lungkhoih takmai thute honggen hi. Huchiin mahni dimmun leh mohpuakna a nak poimoh, a nak thupidan theih thakthak in a om hi. February 1 & 2 Days of challenge in kizang hi. A masa ni in Rev. Nenglian, a ni nihni in Principal in thugenna hungzang ua, kupaeuh in tha kingah mahmah chiat hi. Huchiin February 5 seppatni in Classte kipanpah chiat chiat hi. Sintawpni February 9 Biakin a heutute leh sintute kikhop khawmna ah Mr. Herolous Milik in Devotion ah thu honggen hi. Aman Kristian asuah ma in, Hidibonglong, Karbi Anglonga EBC mission skul ah na sem hi. Tua hunin amah leh a inkuante Kristian khat leng omnailou hi. Tuin a inkuan vek sipsip un Kristian suakta uhi, Huai huna a seppih Rev.E.Paukhanlian in Tangthpha na hilh a, piangthak hi. Kristian a suahma un a khosakna uh gentheihhuai leh haksak petmah in khosa uhi. Aman a genna ah tuin, Assam Civil Service in sem a, kumpi ah mohpuakna sangtak, thupi leh poimotak len hi. Hiai tengteng nou ziak, Tangthupha na hong puakziak uh ahi, chiiin kipahtu genin, Chapel ah naupangte hanthawna thu hoihlua hong gen hi.

Tukum in heutu thak nih mel kimu a, amaute Mr. Samuel Khamsuankhai leh Mr. Khupmuanpau Manloon hi uhi. Amau, heutute Paukhanhup leh Suankhanhau mun awngte hong hudim uhi.

Tuate banah, tukum in Toupan Board of Governors thak leng ahonpia a, amaute i theih ua, thumsak dingun hiaiah I taklang hi. Term masa a BOG te tunga nakpitaka kipahtu gen in, hiai a thakte thumna toh kithuahpih ni chiiin i taklang hi:

- 01. Upa Dr. J.Son Go Kham, Chairman
- 02. Upa Ricky Vanlallawm Guite, Vice Chairman
- 03. Rev.V.Khamvum, Secretary
- 04. Dr.Upa N. Lalzagou, Member
- 05. Upa M.Darneingam, Member
- 06. Upa L.Vungzamuam, Member
- 07. Mrs.Bliss Haubiakching, Member
- 08. Upa V.Englian, Member
- 09. Upa Dr. T. Nengkhanmang, Member
- 10. Upa K.Vungzamawi, Member
- 11. Upa Doulamthang Ngaihte, Member
- 12. Rev.V.Thangkhingin, Ex-Oficio
- 13. Rev.Paukhanmang Guite, Ex-Oficio
- 14. Rev.Ginmalsawm, Ex-Oficio

Tukum in leng Palm Sunday, Good Friday leh Easter Sundayte GBC studentte leh teacheren manphatak chiat in zang uhi. Palm Sunday zingsangin tuumnah liksanga kholoia kikou in GBC studentten leng Lamka kholai fang uhi. Sintawpni April 20 in lohching takin Memory verse examna kinei hi. A zohna kum ziltan May 10-11 in Comprehensive exam nei uhi. Huan, May 25-31 sung final examna kinei hi. Tup leh ngim bangbang leh huaisang mah a thupizaw a honpitu I Toupa tungah kipahtu I gen hi. Toupa mizat, hiai College a dinga thumna leh thilpiak a theihtawp suaha pang tengteng tungah College sik leh tangin kipahtu ka hon gen uhi. A leh tamsem a thum thei ding, pethei dingin Toupan hon vualzawl hen, na vek un.

-Rev. Dr. Luachinthang, Editor ●●●

Kei, Nepal gama Jhapa District a kipan Anita Rai ka hi. Kum 1998 December kha a piang ka hi. Kou inkuan mi nga lel ka hi uh. Sanggam numei nih ka neia, sanggam pasal ka nei kei a, kei a milai ka hi. Kirati Hindu kulmut-tak mai inkuan apan khanglian ka hi. Sakhua toh kisai thute ngaihtuah dingin ka naupang lolaina a, milim pathiante biak nuam kana sa hi.

Ka insung mite zungolvei leh khamtheih tuamtuam hihmi ahih ziakun ka genthei mahmah uhi. Innpu a konglak a, ihmuloua zankhua a om hun bangleng a om hi. Ka insung uah natna a ommun mahmah a, ka tung ua lungkimlou dawite ziaak hi dingin ka gingta uhi. Hiaite tuh a sun a zana kou inkuan khosakdan ahi. Ka pianin miten a sisa a piang danin ahonna mu uhi. Ka pian apat tuni dong ka hinna hon hawisak Pathian keleu ahi chih ka phawk hi.

Sawltak kipumpiak petmah Tilak Singh Limbu in khatvei ka nulehpa ahong veh a, Jesu tanchinin ahong houlimpih a, Jesu'n damlou ahidam thute ahonggen hi. A nung sawtlou, huai tuh kum 2007 in ka nu leh kapa Kristian a suak ua, amau hinkhua leh ka inkuan sung ua kikhen lamdanna lianpi hongom ka mu hi. Tuabang khopa kikhen lamdanna thupi omthei ngei dingin ka ngaihsun thei ngei kei uhi. Ka kipak petmah a, Kristian sakhua ka ngaisang petmah a, ka nulepa Biakin kai kazui zel hi. Bible thu tamsem ka zil theihna ding nipini skul a om keia, himahleh kei theihna tan ah, khatvei leng

TESTIMONY ANITA RAI



Biakin kailou in ka om kha kei hi. Tua nungin, keimah mimal Toupa leh hondampa dingin Jesu ka sanga, Pastor Tikaram Thapa in Baptisma ahon tangsak hi. Toupan ka inkuan sung ua kikhen lamdanna thupi petmah hon

tungsak ahihmanin, a thu, Bible zil ding leh Toupa na kia sem dingin thupukna ka bawlta hi.

Kou saptuam mi GBC a na kai masate panpihna ziakin, Pawl sawm ka zoh kum 2013 July kha in Bible zil ka ut gige hih tangtunin a hongom thei hi. Hiai GBC a admitta ka om a, Pathian thu zil theia ka om kisaktheihna tham hiin ka thei hi. Himahleh, hun hongpai zel in, ka hinkhua ah a sam banghiam khat om hiin ka thei a, kipahna leh khamuanna neilou, lau leh lamet beiin ka om hi. Himahleh unaupa Langchinthang in Johan 3:16 leh Ephesate 2:8-9 in a gen diktak ahon hihna akipan, December 6, 2014 in a thakin Jesu kiangah ka kilankhe thak a, Jesu ka hondampa in ka sang thak-


nawn hi. Tuin tuh, lametna a pumdim hinkhua ka neita a, huaiban ah, Pathian a ka hihna diktak ka theikhetta a, Pathian itna thupi a kiningchindan ka mukhia hi.

Tuin, ka mite ka veina sukzat semsem a omin, ka gamuh Nepal gam pumpi huapa veina, lainatna, awlmohna hong lian semsem hi. Nepal gamsung pumpi a Tangthupha puanzaka a om ding ka puakgik ahi. Pathianin huai inkuan lamet ding bei a kipan ahon sapkhiakna ah kei a tuplehngim thupitak nei hi ngei dingin ka gingta hi. Pathian thu in, 'Buhlak ding a tama, a latu ding a tawmlua' (Matt. 9:27) a chi. Pathian in leitunga a mission semsua dinga nasemtum tawmchikte laka khat hi dinga honsam hi in ka thei hi. ●●●

**“Khristian na hihna a na mohpuakna
pimohpen tuh a thei nailoute kianga
Khrist thehsak ding ahi ”**

FACULTY AND STAFF 2018

SLN	NAME OF FACULTY/STAFF
1	Rev. V. Khamvum, <i>Principal</i>
2	Elder Doulamthang, <i>Vice Principal</i>
3	Dr. Sangching, <i>Academic Dean</i>
4	Samuel Khamsumkhai, <i>Asst. Academic Dean</i>
5	H. Pauthianmuang, <i>Chaplain</i>
6	Khawlbakching, <i>Asst. Chaplain</i>
7	Rev. Dr. M. Khamkhanchin, <i>Warden</i>
8	Lalbiakmuang, <i>Lady Warden</i>
9	Lalboi Kilong, <i>Dean of Students</i>
10	Mary Ngaimuanvung, <i>Asst. Dean of Students</i>
11	Rev. B. Luaichinthang, <i>Editor GBCLink</i>
12	Khupmuanpao Manloon, <i>Jr. Editor GBCLink</i>
13	Thanggoumang Chongloi, <i>Games & Sports</i>
14	Grace Ngaihvung, <i>Co-Ordinator MTC</i>
15	Chinkhenthang Guite, <i>Registrar</i>
16	Florence Vunglianching, <i>Librarian</i>
17	Kungbiaklun, <i>Asst. Librarian</i>
18	Joel Valte, <i>Library Data Operator</i>
19	Upa L. Khamzapau, <i>Clerk</i>
20	Chiinthiannem, <i>Accountant</i>
21	Chinsuanlal, <i>Computer Operator</i>
22	Upa T. Ginzathang, <i>Office Helper</i>
23	Paulianthang, <i>Office Helper</i>
24	L. Paukhanmang, <i>Driver</i>
25	V. Thangchinlun, <i>Cook</i>



Ka taksapte honguan a, tuni donga hichibanga honpi Pathian kiangah kipahtu ka gen hi.

Ka min Glenika Engtipi ahi a, Assam a EBC Mission field Karbi Anglong a Paklongkam akipan ka hi. Karbi namte sahkua (Honghari) zui inkuan apan ka hi. Ka pan ahon sihsanta a, sanggam pasal thum ka nei a, ka nun ahon dampihlai hi.

Ka pa ka kho hausa uh leh ka kho siampu uh ahihmanin leh sahkua a kulmut lua ahihmanin, kou inkuan a ding leh ka khua ua dingin kithoihna ahahbawl mahmah gige hi. Mi ten hon bum uh ahihmanin, nakpitakin haksa ka thuk ua, mite hon bumna ziakin ka sanggamte nga in ahon sihsanta ua, ka pa leh ka sanggam pasal khat in leng nakpitakin a thuk uhi. Huchibang ahihmanin, skul hon kaisak ka paten haksa asa lua uhi. Paklongkam a Convention English School a kai kahihmanun, huaia heutu, missionary khat in ka sanggam pasal khat a in uah a ompih hi. Huaiah aman thil manpha tampi, skul leh in lamah a zilkhia a, Jesu a hondampa in a sang hi. Pawl sawm azohin inn ah ahongpai a, kou kiangah Tangthupha ahon hilh hi. Ka pan a kiangah "Nang hinkhua nang thu ahi, sahkua na utut na zui thei. Kei kahihleh, hiai ka sahkua ah ka sih dongin ka om ding" achi hi. Ka pan hiai ka sanggampa a dingin inn khat a lamsak a, huaipen 'Kristian inn'a chi a, "huai inn ah na utut uh hih un, lasa, na Pathian uh bia leh thugen bangpeuh na hih thei uh" achi hi. A nungram in ka pa nakpitak in ahong china a, damdawiin a hohpih ka sawm ua, himahleh aman, "Hiai pen damdawi a dam chi ahi kei" achi a, a ut hetkei a, amah sahkua toh kisaia hihtheih om teng ka hih ua, bangmah a phatuam kei hi. Huai laitakin, gingtu khat ka inn uah ahong a, Jesun mi a hihdam theihdan ahong gen hi. Huaitakin ka pa Diphu a Prayer Centre a hoh ahong ut zenzen a, ka hohpih ua, huaiah aman Jesu a hondampa in a sang hi. Himahleh, Baptisma tangman nailou in huaimun mah ah Feb. 26, 2012 in a si a, a luang inn ah ka pua uhi. Huai ah, ka tanau nai tengteng un ka pa luang kou sahkholui dan a hal a sawm ua, kou Kristian dana vui ka ut ua, a tawpin Pathian panpihna ziakin kou deihdan in ka vui thei uhi. Himahleh, huai hun akipan ka tanau tengteng un ahon taisan vek ua, kuaman ka inn uh ahong sik nawn kei himhim uhi. Pathian panpihna in Pastorpa, gingtute, upate

TESTIMONY GLENIKA ENGTIPI



leh khokim kho kianga Kristiante panpihna toh ka pa hoihtakin ka vui thei uhi. Tuin, ka inn uh Kristian innkuan a suahma a buaina, haksatna ka tuah tengteng uh ka tuak nawn kei uhi. Pathian kia in thupina tang hen.

Kum 2002 in kumpi skul kai ka pan a, kum 2007 in Paklongkam a Convention English skul ah ka kaipan hi. Kum 2008 in skul ah chialpina aom a, huai hunin Matthai 11:28 pansan in Jesu keimah Toupa leh hondampa in ka sang hi. Ka pa amah

sahkua a kulmut lua ahihmanin, Baptisma ka tan ding ahon phal het kei hi. Kum 2008 in Pawl sagih ka zou a, kou kiangnai a skul pawl giat zil theihna omlou ahihmanin Bakpani a New Life English skul ah ka kai hi. Huaiah ka sanggamte tengteng toh ka omkhawm ua, ka u pasal in amah leng Kristian a ma kuma na suak khinta ahihmanin, Baptisma tang dingin ahon sawl hi. Baptisma tan ding ka ngaihtuah chiangin ka ut in ka kithalawp mahmah a, a langkhat ah lah ka pa ka lau zel hi. Aman hon phallou ahihmanin. Nitakin matthai 12:46-50 sung ka sim a, hiai in ahon hasuan a, hangsanna ahonpia a, huchiin 12/5/2011 in Baptisma ka tang hi.

Ka inkuan sung uah leh ka khosung uah kei leh ka u pasal kia Kristian ka hi ua, huchiin Pathian kiang ah, ka nu leh ka pa, ka inkuante, ka tanaute uh leh ka khosungmite uh Kristian a suahna dingun ka thum uhi. Pathianin ka thumnate uh hondawng in, kei baptisma tan kum mahin, kou unau pasal naupang pen in leng ahon tang thei hi. A kumnawn, huai tuh 2012 in ka nu leh ka pa leng Kristian ahong suak ua, ka unau pasal khat uh chihlouw ka inkuanun Kristian ka suak vekta uhi. Tuin inkuan nih dangin leng ahon behlap uhi.

Ka inkuante leh ka tanaute banah ka mi ka sate Kristian a suah uh poimoh lua sa in, amaute kianga tangthupha ka gen theihna dinga Bible ka zil kullua ahihdan theiin, Bible zil dingin ka kilankhia hi. Pathianin ka thumna hondawngin, lampi hon honsak a, pawlsawm kon passed khin phetin kum 2013 akipan hiai Grace Bible College ah ka hong zil hi. Pathian panpihna leh ka inkuante huhna toh, ginna in hiai college ah ka hongzil theia, Pathianin a zahngaihna ziakin ka poimoh tengteng ahon pia hi. Hiai kimvela saptuam omten hon panpih ua, Dip.Th. ka zou a, huan B. Th a dingin Field akipan chawmna ka ngah a, huaiziakin, hiai ka zilna ahon chawm ziakun a tung uah kipahtu ka gen hi. ●●●

Wisely said:

We know how to fly in the air like a Bird,
We know how to swim in the sea like a fish,
But how to walk on this planet, we do not know.

Faith is to believe what we do not see, and the reward of Faith is to see what we believe.

Everything vital to the missionary enterprise hinges on Prayer- John R. Mott.

Very few of us would be christian today, if there had not been missionaries yesterday- Roy L. Smith.

The beginning of anxiety is the end of faith, and the beginning of real faith is the end of anxiety.

"NA MUHDAN TOH KITUAK IN PIA IN, AHIH-KEILEH, PATHIANIN NA PIAKDAN TOH KITUAKIN AHON MUSAK KHA DING."

Ka min Prakas Shiwa ahi. Ka pa min Mangal Singhal Shiwa ahi a, ka nu min Pampha Shiwa ahi. September 5, 1995 a piang ka hi. Kum 10 ka phakin ka pan ahon sihsan a, huai khitin ka nun pasal dang ahon neihsana, kei leh ka nau neuchik omna ding, belh ding neilou in ka om uhi. Huchiin, ka pa U pasal khatin kou inn ah hongom un ahon chi a, huchiin, ka papite inn ah ka om uhi. Ka vekun Hindu sahkua ah ka om uhi. Hindu sahkua danin, insung mi asih aleh, pasalten a lu uh a metgiau ding uh,

puanngou a silh dinguh, chi leh meh nek phal ahikeia, anchim leh theigah tamlou nek phal lel ahi. Ka Pa a sih in haite ni 13 sung hih ding pen ken ka zou kei hi, ka naupanluatlai ziakin. Pawl 12 ka zillai in Biakin khat ah kava kaikha a, huai ah saptuam upa khat Jugendro Bajgai in a testimony ahon gen banah, "I sih nung chiangun, koiah I pai ding ua?" chih thupi a neiin thu ahon gen hi. Aman, Jesu sanglou peuhmah a sih khit Chiang ua gawtmuna pai ding a chi a, gawtmun paikhak ding kalau mahmah a, saptuam mipite kiangah Jesu ka san theihna dia hon thumsak dingin ka ngen hi. A hon thumsaknate uh ziakin Jesu ka sang thei hi. Hindu sahkua ah namniam, namsang kideidanna thupilua a, ka lungsim ah, pate leh nuten a tate uh a itna uh koia om hi ding chiin ka ngaihuahtuah hi. Hindute etdanin, kou beh hi a niam penpen, nak simmohhuai lua ka hi uhi. Nam (Beh) dangten huat in ahon huattthoh uhi. Kum 2014 in Pastor Padam Thapa in ahon baptist hi.

Tuin, Kristian hita ka hihmanin, Pathian in hon ompih a, Kristiante tuh ka nu leh ka pa, ka inkuante ahong suakta uhi. Ka theihkhiak khat tuh, ken ka pa hondam zou ngei nawnlou ding, amah gawtmun a omta ahi chih ka phawkkhia hi. Nepal ah ka pa bangbang a tamlua hi. I theihchiatsa uh bangin, Nepal hi Hindu sahkua lalna gam ahi a, huai ah namniam, namsang kideidanna ziakin kei beh (Nam) ka genthei petmah uhi. Ka thum chiangin ka mitkha ah hiai Dalit namte ahong lang gige a, huaiziakin hichiin ka thumsek hi "Toupa aw, na

TESTIMONY PRAKAS SHIWA



om taktak aleh, ka Dalit hihpite kianga Tangthupha gen dingin hon panpih in" chiin ka thum hi. Huchiin Toupan, amaute kianga na kuan ma in kisakhol masa photin ahon chi hi. Toupa kiangah bangchiin ka kisakhol dia chiin ka donga, aman kon hilh ding, lampi konlak ding, ka thute na zilna ding ka hon lak ding ahonchi hi. Huai hunin ken B.Sc a kum nihna ka zillai ahi. Huai ka zillaipen nusia in, Toupa hon pina leh makaihna zuiin Grace Bible College ka hongtung hi. Member ka hihna Saptuam, Pathari Evangelical Bap-

tist Convention church hi kum 1995 in ka pianni champha ni geihin Rev.Luaichinthang, Director of Missions/EBC in a hong hi. Hiai ka saptuamin ka Bible zilna ah ahon chawm uhi.

Pathianin Pa, Nu, sanggam pasal leh sanggam numei tampi ahonpia a, tu in zaw nidang a bangin ka thawmhau nawn kei hi. Hindute namniam, namsang kideidanna nuaiah ka om nawn kei a, kingaihsiat chih leng ka nei nawn kei hi. Tu in kei thilsiamthak ka hita. Himahleh, kei dinmun masa a omlai, Dalit mi tamlawai ahihmanin, huaipen na kasa hi. Kei bangbanga nulepa itna chiam khalou, nulepa neilou midang leng om ahi chih ka phawka, ka pona hi. Tuin, Grace Bible College ah B.Th. ka zillel a, Nepal a Dalit mite laka sem dinga kisakhol lellei ka hi. Kou khua apan Jesu nei kei kia ka hi lai. Ka nau pasal Pradip Shiwa in leng Manipur apan missionary a hongkuan, Jemson Ngaihte tungtawnin Jesu a sangta hi. B.Th kum nihna ka zillai in, ka pa asih akipan honna enkol ka papi in ahon sihsana, Bible zillai kahihmanin, a sihma in ka mu man kei hi. Amah leng Jesu sang manlou in a si hi. Kum-pi toh kisai lai tengteng ah ka pa min gelhna dingah hiai ka papi min, kei leh ka nau in ka gelh uhi. Ka papi leh ka papi naupangzaw a inkuante tuak uh toh, mial nuaiah a omlai uhi. Ka pianthakma in ka nu tungah ka heh petmah a, huat leng ka hua hi. Tuin bel ka ngaidam theita. Ka laizilna hoitaka ka zohsianga, hiai ka tanau lainate, ka chipihte, mialnuai a om-laite kianga thilhihtheitaka Tangthupha ka gensawn, piakkhiaik theihna dingin hon thumsak un aw. ●●●

ACADEMIC CALENDAR, 2018

MONTH	DATE	DAY	EVENTS
Jan	26	Fri	Republic Day
	29	Mon	Arrival of returning students/Hostel Opens
	30	Tue	Registration of Subjects
	31	Wed	Opening Ceremony
Feb	1-2	Thu-Fri	Day of Challenge
	5	Mon	Commencement of Class
	20	Mon	Zomi Nanni
	23	Fri	Last Date for Sub. of Thesis Proposal
March	30	Fri	Good Friday
April	20	Fri	Memory Verse Examination
May	7	Mon	Missionary Day
	10-11	Thu-Fri	Comprehensive Exam
	18	Fri	Last date for Submission of Thesis
	25-31	Fri-Thu	Final Examination
June	1	Fri	Semester Farewell
	4	Mon	Hostel Mess Closes
July	2	Sun	GBC Day
	17	Tue	Last Date of submission of Admission Forms
	18	Wed	Checking & Screening of Applications
	19	Thu	Entrance/Qualifying Exam of New Applicants
	20	Fri	Personal Interview of New Applicants
	23	Mon	Hostel Mess Opens
	24	Tue	Last Date of Admission without fine and Registration of Subjects
	25	Wed	Semester Opening & Orientation
	26-27	Thu-Fri	Students Revival Meeting
July/Aug	30-2	Mon-Thu	Commencement of Class
	3	Fri	Fresher's Meet
	15	Wed	Independence Day
	16	Thu	Last date for submission of Thesis Proposal
Sept.	26-28	Wed-Fri	College Annual Sport & Prize Distribution
Oct	2	Tue	Mass Social Work
	11-12	Thu-Fri	Comprehensive examination
	26	Fri	Bible Memory Verse Examination
Nov	1	Thu	Kut
	16	Fri	Last Date for submission of Thesis
	26-30	Mon-Fri	Final Examination
Dec	1	Sat	Semester Farewell cum Advent Christmas
	5	Wed	Graduation Day
	10	Mon	Hostel Mess Closes
	11	Tue	Due for Grade Reports

GINGTU TE ADIA SIHNA HONTUN NEK-LEH-DAWN

-| Khupmuanpau Manloon, Lecturer |-

Mihing khempeuh I si ding uhi. A ziak tuamtuam a om tham dinga, himahleh hiai article ah nek-leh-dawn a gingtute I kiv-en zohlouhna ziak a natna leh sihna ituahte uh I gen khawm ding uhi. Pathian zal in nidanglai sang in I nei zou zothamta ua, bang ka ne de aw chi a lungkham sang in, bang ka duhde aw, chi a lungkhamte ihi zo ta uhi. Ahihziakin Christian kahih leh bang ka nethei in bang ka ne thei kei a chih lunggel i tasam mahmah uhi. I duhduh uh I ne ua, I nek I dawnte un natna leh sihna a hontut lam I phawk kei uhi. Huaiziakin theih huai I sak thute gen khawm ni:

1. TEP-LEH-MUAM PEN KHELHNA IN LE I LA THEI NAI KEI UH.

A poi mahmah khat tuh I gam ah tep-leh-muam pen Christianen khelhna in le I ngai thei naiki uhi. Khelhna a koih naksang in milak a kuva hai bang, nahjial tep bang I kisaktheihpih lailai uh abang mawk hi. Annek zoh, sanek zoh chiang banga nek teitei, hai teitei di bang in i koih ua, a khenin biak inn kong khong ah I hawm jomah lai uhi. Ginglou gam a miten le kihhuai a sakte uh ei gam ah kishow na in I zang uhi.

Vangam kaina ding toh a kisai khakei, Bible in le kuva, khaini etc amin in agen kha kei ichi ua, siam I kitan lailai uhi. (Huai a chi tata a kailou di te a hi di uam maw?). A minmin in i nek leh neklouh di Bible in a gen kei na a, i nek theih leh nek theih louh dingte theih theihna ding Bible sung mun tampi ah kigelh hi.

Pastor khat in "mihing kam a lut in mi ahih nin kei a, mihing kam a hong pawt khia in mi a hih nin zaw" (Matthew 15:11) chi in anekte siam akitan hi. Selou taktak ahidiam?

I Topa Jesun hiai thu a gen in tulai nek-leh-dawn hoihloute a genna ahi kha kei hi. Pharisaiten lungsim hoihlou a neih-det uh pen a nungjuite khut sillouh a ann anek dek uh sang in a sesaw chih a genna ahijaw hi. Taksa polam a nit sangin lungsim hoihlouh pen a sezaw chihna ahi. Nek-leh-dawn thu ah Bible in hichiin achi hi:

"huaiziakin, na nek uh hiam na dawn un hiam nahih peuhmah uh, Pathian thupina ding in hih vek un" (1 Cor 10:31)
".....a netu in Toupa a dinga a nek ahi a, Pathian kianga kipahtu a gen, a nelou in leng Toupa a dinga anek louh ahi, hu-

chiin Pathian kianga kipahtu agen hi" Roman 14:6

Hiai Bible gelh apan in thil nih a muh theih hi:

a. I nek khempeuh Pathian thupina ding a nek ding

b. I nek khempeuh kipahtu thu gen a nek ding. (kipahtu I gen theih louh nek-leh-dawnte khelhna ahi.)

Bible mundang ah le I taksa pen Pathian tempul ahih dan I mu uhi. "Pathian tempul na hi ua, Pathian Kha na sung uah ateng chih na thei kei ua hia?"

Pathian in "kei siangthou kahihman in noute leng na siangthou ding uh ahi" a chi hi (I Pet 1:16.)

Hiai siangthouna agen in nek-leh-dawn a siangthouna huam kha mahmah ahi. Sunglama siangthouna pen I gamtat dan a kilang ahihman in I nek I dawn a kipan sunglam a I sianthou leh sianthou-louh kilang mahmah hi.

Akhen in Pianthakna I ngaih thupi luat ziak uh ahidiam Pianthakna toh akisai kha kei bang I chi jel uhi. Vangam kaina ding in nek le taak toh akisai kha kei na a, vangam kai di te toh kisai kha lua ahi. Vangam kaidi ten duh teng kine thei lou ahi chih thei lehang a deihhuai hi.

Paul in Romte kianga Nek dia phal himahleh midang te puk nadi ahileh sa nangawn le neklouh ding ahi achi hi. I Tep-leh-muamte chu eimahmah in ahoihlouhdan I thei ua, govt. in leng a kham ahih leh Pathian in a phalte lak ah atel khadiah? Gingtute, I tep-leh-muam, I nek-i-dawn te ziak un mite etton kiji zou nawnlou ahi chih thei ni. Christian hinkhua ah Pianthakna pen a tawpna

ahi kei a, akipatna ahi zaw hi. Piangthak mite hin didan, nek didan Bible a kigen ahihman in Bible sim in Bible toh kituak in ne in dawn ni.

2. NEK AH KHEMNA I NANG ZOU KEI UHI.

Tep leh muam leh dawntheih khenkhat ahoih kei chih thei bangzah hiam tuh I om sam uhi. Himahleh ahoih lou ahi ichih sasa un I ne ua I dawn lailai uhi. Nek a khemna I dou zou mahmah kei uhi. Kholak a tuailai khamtheih zongsangte I muthei mahmah ua, Christian tampi le amaute bang a zongsang ihih lam I kimuthei kei uhi. (E.g kuva, khaini, tuibuk, zu). Saptuam sung a semtu, Upa, Pastorte natawm le ihi lailai uhi. I lak ua khamtheih, guih theih, tep-leh-muam zuakte a hauhsak mahmah pen a lamdanglou ahi. Tua in I society sung pen Christian hi in Christian lou hitaleh khamtheih a bual society chih theih phial ihi uhi.

Pathian in Eden huan a Adam leh Evi akoih in anek ding uh tampi apia hi. A nek theih louh ding khat lel akoih sak a, himahleh Setan in Adam leh Evi nek in a khem a, a nek theih uh tampi om napi a nek louh ding pen uh a ne ua a si uhi. I Toupa Jesu le tua bang mah in nek ah khemna a na tuak masa hi. Setan in "Pathian nahih leh hiai suangte tanghou suak ding in thu pia in" achia, himahleh Topa'n "mihing tanghou kia in ahing kei dinga, Pathian kam a thupot chitengin ahing zaw ding" achi hi. Adam in a dou zohlouh khemna Toupa Jesu'n a dou zou hi. A ne tu a si a, a ne lou pen in vualzawhna angah hi. Eite zong nek ding tampi hong kipia a, nek louh ding le a om hi. Nek louh dingte I nek un khalam a hatna I nei thei kei ding uhi. I pu I pate

Report from Sports Department

Sports Department panlakna tungtawn a tu semester sung a nnasep te leh maban a tup leh ngim tamlou anuai a bang ahi.

Sports Department:

- Sir Thanggoumang
- Sutliansang
- Ginsuanthang
- Lang Khan Chin
- Thangdinglian
- Jelina Manngaihniang

Theme: Marching towards the Goal

Group leaders & Installation: Group chih in amau leader ding a atel te uh anuai a bang ahi:

HOUSE OF NEPAL MISSION FIELD

Pasal Leader: Jamkhanlian Tangpua

Asst. Leader: N. Lam Za Thang

Numei Leader: Zenpakmawi

Asst. Leader: Man Lily

HOUSE OF MANIPUR MISSION FIELD

Pasal Leader: Suanthansang Khuotong

Asst. Leader: H. Kap Minthang

Numei Leader: Chinghoihkimi

Asst. Leader: Shalomi Vungngaihlon

HOUSE OF DHEMAJI MISSION FIELD

Pasal Leader: L. Paugoulian

Asst. Leader: T. Pau Ngaih Mung

Numei Leader: Veineihing Haokip

Asst. Leader: K. Chinghoihkim

HOUSE OF KARBI ANGLONG

MISSION FIELD

Pasal Leader: Khamkhanthang Khongsai

Asst. Leader: T. Jamsuanmuang

Numei Leader: Lianbiakmawi

Asst. Leader: Grace Ngainunmawi

A tunga Group/House chih a heutu te kichiamna leh namkipna March 16, 2018 in kinei a Rev. V. Khamvum, Principal in amaute thumsakna nei hi.

GROUP MIN: Student te group li (4) a khen in group min ding in EBC nuai a Mission Field om te min ki tam sak hi.

1. House of Nepal Mission Field (The Green Team)
2. House of Manipur Mission Field (The Red Team)
3. House of Dhemaji Mission Field (The Yellow Team)
4. House of Karbi Anglong Mission Field (The Blue Team)

Purpose: Hiai in atup, student te lak a Mission nasepna toh kisai awlmohna leh veina hong om behna ding, Mission Field te pau leh ham neukha kha bek theihna ding chih deihna ahi.

Kidemna/Items: Tukum theme & purpose tawh kituakin kidemna tuamtuan sai touh kisawm hi. Tu Semester sung mahin Group chihin amau Mission Fieldte chiat Paper Presentation honnei ua, kidemna ahih kawmkawm in zil beh tampi kinei hi. Huailou in kidemna tuamtuan Debate, Extempore Speech, Table Tennis chih te leng kisai hi. Kimawlina/kidemna om louh hun in Seminar bang, entertainment chih bangin hun kisai zel hi. Hiai item(s) te ahihleh Friday last period pen Extra Curricular Activities neihna dingin kish khia a huai hun ah kisai sek hi.

Maban ah mahni Mission Field te chiat lasak kidemna chih bang leng sai touh kisawm lai hi. Outdoor games tamzaw bel Semester nawn Annual Sports Week chiangin kinei ding hi.

Group Points: Kidemna kisai te a position dungzui in points a kipia a huai pen semester nawn ah Annual Sports Week om ding ah kigawm vek ding hi. Points sim dan tangpate:

Individual:

- First– 50pts.
- Second–30pts.
- Third– 20pts.
- Fourth– 10pts.

Group:

- First–100pts.
- Second– 80pts.
- Third– 60pts.
- Fourth– 50pts.

Conclusion: Ei singtangmite Pathian in siamna tampi kop in hon bawl a, nnasep lah taima, lasak lah nuam i sa in, kimawl i siam ua, lehkha leng i bun thou uhi. Tua te tengteng ziak in Pathian min i phat hi. Hiai siamna tuamtuan kineite pholh khiak tum in GBC Sports Dept. in pan naktak in kila hi. Hiai kimawlina leh kitaitehna te tungtawn in GBC Family sungah ki-itna hon tutsem leng i lamen hi. Semester nawn a Annual Sports Week om ding leng kithalawptak a ngak ahikhawm in nuamtak leh manphatak a zat ahih theihna di'n thumna ah phawk ding uhi.

hun a pat kine ahih chiangin kingawl theilou ahi bang I chi jel ua, Pathian hatna toh pang a ngawl ut taktakte din zohlah omlou hi. Pathian thu ah hatna a om hi.

3. TOUPA ANN SIANG NEKHIAL IHI DI UAM?

Khat vevei ka ngaih tuah jel a, bang jiak a Christian gam kichihna mun a damlouna leh sihna hichi tuk a tung mun ahia chi in ahon lungbuaisak jel hi. I gam ah pitek putek muh ding vang mahmah ta hi. Mundang I pawtkhiak chiang a lah pitek putek muh ding tam mahmah zel. Nikhat 1 Kor. 11 kasim a hiai ziak ahi de aw chi in lunggel na hong pe mawk hi. Korinth saptuamte'n Toupa ann siang nek ding bang in a ne kei ua, wine kham pawl a om nilouh uhi. A nek dan uh a dik louh ziak in Pathian in alak ua natna leh sihna tungsak hi. Eite le ihi kha diam chih lunggel kanei hi.

Toupa ann siang pen gingtu (Piangthak) te kia nek ding a thu piak ahia, hon tanpa I Toupa Jesu theih gige na dinga nek ding ahi. (Pastor khenkhat bang in natna damsak na di khawng in a hawm mawk uhi.) Toupa Jesu a thei gige ichih miten khelhna a bual lou in, amah lamtuah dia kimansa a om gige ahi uhi. Eiten lah Toupa annsiang nedin ka chinghiam chih ki enchian lou in khelhna toh kine a poisakna le inei kei uhi. Va nek louh bang zumna/neuna in I ngaihtuah ua, mite'n khelhna/mawhna nei ahi chi a a hon theih khak ding lauhna in I dim jel uhi. Atam zo bang piangthak lou saptuam a member hih man a ne I tam zaw ding uh.

Korinth saptuamte toh kilamdanna I nei tawm mahmah mai uhi. Pathian in Korinth saptuamte Toupa annsiang a nek ding bang ua anak louh ziak ua atung ua natna leh sihna atun sak leh tulai eite tung ah leng tungthei gige ahi chih ngaituah ni.

THUKHUPNA:

French Lawyer Brillat-Savarin in "bang na ne a hon hilh in, kua nahih kon gen ding" achi hi. Mihing ahihna pen a nek a taak a pan theih theih ahi chihna ahi. Kha gahte lak a "mahni kithuzohna" leng khat ahihman in nek leh taak a le kithuzoh ngai ahi. (Gal 5:23). Huaiziakin Christian ten I nek i taak te uh I enpha dia, Pathian lungdamsak in eite a din le vualzawlina leh damsawtna ahih theihna din nek leh dawn ah pilvang mahmah ni. Damkum pen a tangpi in I nei ua, himahleh kikep siam na ziak a dam sawt theih ahi. (Sam 90:10).

A tawpna ah, damsawt dam tom pen thutuam hita leh, I damsung bek in dam thei le I chi uhi. Ei ut man hilou a natna I neihte zo bangmah I gen thei kei, himahleh nek a kidek zohlouna ziak a natna I neih uh pen dah huai mahmah hi. I damsung tomchik Pathian thupina din zang ni. ●●●

KIPAHTHU GENNA

GBC tungtawna Pathian gamna i sepna ngai poimoh mah mah tampite ziak in Topa min i phat masa uhi.

Awle, Pathian hehpihna ziak in tu Spring Semester 2018 ah Hostellers 88 (Numei 27 leh Pasal 61) om hi. Amaute gam tuamtuam- tawndan tuamtuam a pan leh local mi kigawm background tuampi pi nei te ahi uhi. A tamzaw thamte innsung khosak haksapipi a kipan ahihna uah panpih tuaksa a panpihna khut hon khakte tungah kipahnalian mah mah hi.

Tu Spring Semester kipan tutana panpihna hon pe te a nuai a bang ahi:

1. February 11, 2018 in GBC Student, Mr. Paukhansang sungkuan te'n a khua uh Lungthul a pan meh ding, chi tuam tuam (Bag lian nih dim) hong puak uh.
2. March 17, 2018 dak 07:00am in, BDF Committee, Hebron EBCC in local Pastor Jamkhanpau makaih in vehna hong nei ua, GBC Chapel ah hun nuamtak a zat in om hi. Naupangte mimalmal a hanthawn-chibai buk kawmin a mau khut mah mah ah hiai thilpiakte- Colgate, Surf, New Dyna Soap, 2 Reams of A4 size paper, Damdawi – apoimoh thut thut hun a zat theih ding leh Rs. 1500/- (a haksa diak naupang 3 te Rs. 500/- chiat) piakkhiakna leh Pastor thumsakna manphatak hong nei uhi.
3. March 18, 2018 in Hanna Thumpawl te'n hong veh ua, naupang sum leh pai a haksa diak thum, telkhiak a omte kimuhiph in Rs.1000/- chiat (Rs.3000=1000x3) panpihna pia in hasotna leh thumsakna manpha tak hong neihsak uhi.
4. April 07, 2018, Saturday nitak dak 10 pm vel in Mr. Khyamraj, GBC hosteller, hu-latheilou/nak theilou in hong om guih a, chimoh petmah a a kiom lai in, Htp. Khenthang in a gari a Dist. Hospital ah hontaipih in, a huntak a treatment akiapiak theih man in tu in damsianta. Tua kia hilou in Rs. 500/- damlou vehna in pia hi. Pu Khenthang leh a innkuante tung ah kipahtu I gen hi.

GBC tungtawn a Pathain gamnaa I sepkhawmna ua pan I lakdan te uh thupi sa in a thak in noute tung ah kipahtu I college leh hosteller te sik leh tang in ka hon gen uhi.

Rev. Dr. M.Khamkhanchin leh Miss Biakmuang
Wardens GBC

EIGHT PROBLEMS OF THE CHURCH

1. Unbended Knee
2. Unread Bible
3. Unattended Church
4. Unpaid Tithe
5. Unrealized Cross
6. Unpassioned Heart
7. Unconcerned for lost souls
8. Unforgiving Spirit.



HAI! GBC AH HIAI ANUAI A TE PATTHAK IN OM:

1. SUNDAY ENGLISH WORSHIP SERVICE

GBC ah Sunday English Worship Service, March 2018 a pan pat theih in om nawnta. Hiai in a tup pen bel student te Thu leh La tungtawna Biakna leh Phatna – Kha leh Thutak a Pathian biakdan kisinsakna, Bible thutak kisinsakna leh a tak tak a sepsuahna (Practical training and learning) a hi.

Hiai bang in hun ki zek tangpi hi:

Ahun: 10:30-12:00

1. Praise and Worship- Biakna leh phatna hingtak, phur huaitak in ki zang masa.
2. Responsive Reading: Bible chang, a kidawnga sim khawmna.
3. Special No- Lasak siam bikte a apan leh amau makaiha, la tungtawn a kitohhalhna
4. Sermon ngaihkhiaakna/ Bible thutak kisinsakna- Heutu tuam tuam te a pan.
5. Hunkhakna leh tea-fellowship

Hiai teng a guh gel a nei in English Worship Service nuamtak in kizang tou zel, Toupa min phat in om hen. Hiai, hun ah hosteller te kia lou, polammi a lunglut a hongtel nuam te kipah pih ahi gige hi.

2. PRAYER WALK

Sunday morning prayer: Chapel a devotion neih jel ban ah, Prayer Walk zong pat ahi.

- March 11, 2018, zingsang (06:30 -07:45) in Campus sung mun tuamtuam ah Thathoutak leh kilawp tak chiat in hostellerte ki vakkual a, GBC a ding bik a thumna hun nuam tak in ki nei hi.
- March 18, 2018 zing sang (06 -08:00am) in Prayer Walk neih ahi. Campus polam veng tuamtuam/ area tuamtuam a kikhen zak in thumna va neih ahi. Hai hun ah vengsung, gamsung siatna te leh vengsung mipite a ding bik in, amau theihlouh kal in va kithumsak ek mai a, hih touh zel hoih kisa mah mah hi.

3. PRAYER PARTNER

GBC Hosteller te, nih nih (2) a kithuah a, a haksa a nuam thil phutkhakte kikuppih theih ding, ki thumpih tuah ding, kihaanthawn tuah ding deih na in leh Khalam khantouhna (Spiritual development) hohtak neih ding lunggulh leh tupa nei in PRAYER PARTNER chih dinsuah a hi. Hiai naasep poimoh tak mai in nasa tak in a Christian hinkhua uh chawm mah mah a theih ahi.

Hiai bang thil thak pat theih a om te ah naupangte kilawptak leh thathou tak in tel siausiau ua, a Khalam hinkhua uh chawm mah mah hi a theih ahih man in Toupa min i phat hi.

Rev. Dr. M. Khamkhanchin
Chaplain, GBC Sunday English Worship Service

Grace Bible College a Pathian thu sinnuam, piangthak leh Pathian sapna tangte a dingin Admission form anuai a Course te a ding in hawm khiak ahi. Thuchian zaw Office ah muh theih gige hi.

Sln	Program of Study	Duration of Study	Essential Qualification
01	Master of Divinity	Secular Graduate te a dingin kum 3; ATA/Senate of Serampore nuai a B.Th Grade 'B' a zoute adingin kum 2.	Secular Graduate or B.Th ATA/Serampore nuai a zoute.
02	Bachelor of Theology	Kum 3 sin ding	Class XII zousa hiam Diploma in Theology zousa
03	Diploma in Theology	Kum 2 sin ding,	Class X zousa te.
04	Ministerial Training Course (Galzilna)	Kum 2 sunga zawh di.	Class VIII zousate deihtuam biik ahi.

Lunglutna neite a dingin Admission form Office ah hiam GBC Website www.gracebiblecollege.in ah amuh theih ding hi. Ngetna form bukim July 17, 2018 tan in College ah piaklut ding ahi. July 19, 2018 ni in Admission Test om dia, July 20, 2018 in personal interview om ding hi.

Ministerial Training Course ading in Admission test leh personal interview aom kei.

A tasam mahmah te ading in Hostel leh Partial-Scholarship a om thei hi.

Sd/- Chinkhenthang Guite, Registrar

COLLECTORTE TOH KITHUAH KHAWMNA

Sintawpni April 13, 2018 zinglam dak 11:30 akipan GBC Campus a Jelshyam Chapel ah khotuamtuam a kipan GBC Collectorte samkhawm in amaute toh kithuah-khawmna nuamtak kinei hi. Hiaia ah Collector 17 hong paikhawm uh a, GBC Principal Rev. V. Khamvum bana ah BOG Chairman, Vice Chairman ten Collectorte pahtakthu leh a tunga ua kipah a gen ban uah hong nakpansemdinga hanthawmna gen uhi. A hongpaikhawm Collectorten mahni kipulakna hun azat banuah, haksatna a tuahte uh, GBC lamin ahih ding ua a deihte uh leng hon gen uhi. Tuat zohin heutute Singnunsiam leh Ms. Chiinthiannem ten paidan thak dungzui a nasep dingdan thakte lamlahna nei uhi. Gennop leh hihnop tam ahihmanin, zoh hunding a kispah ah kizou zoulou hi.

Nitaklam 2:20 pm in BOG member thakte leh GBC a semtute leng hongtelta uh a, sunma lama na omsate mah toh kithuahkhawmna hun manphatak kinei hi. Hiaia leng Principal, BOG Chairman leh heutupa Singnunsiam ten hun zang uhi. BOG Chairman Upa Dr. J.Son Go kham in GBC pen Financially Sound, Academically Sound, ban ah Sound Infrastructure leh Sound Management ahong hih deihhuai a sak thu hon gen a, tua mah tup leh ngima neih ding a deihtu gen hi. BOG member dangdang leh Staff khenkhat in leng GBC hihding, pai dingdan, maban panlak dingdan a deihhuai leh hoih a sak uh manphatak tamkhop hon gen uhi. Tuat BOG in enkai in, hithei leh hoih a sakte uh hon sepsuapiph ngei uh I lamem hi. Hiaite tengteng zohin EBC General Secretary Rev. S. Vungminthang in hiaia paikhawm tengteng hanthawmna leh thumsakna hon nei hi.

Hiaiteng zohin a paikhawm tengteng leh student tengteng in nitaklam anek khawmna kinei in, hiaini kithuahkhawmna hun manpha leh nuamtak a zoh in om hi.

**GRACE BIBLE COLLEGE
brief report 2018**

SINTU NAUPANG OMZAH:

Master of Divinity	: 60
Bachelor of Theology	: 81
Diploma in Theology	: 18
Total	: 149

GRADUATE KHEZAH: (1981 – 2017)

M. Div	: 311
MTS	: 10
M. Min	: 1
B. Th	: 386
BBS	: 1
Dip. Th	: 58
C. Th	: 81
G. Th	: 73
Trg. Cert	: 11
MTC	: 424
Total	: 1356

TUKUM A GRADUATES DI:

M. Div	: 23
B. Th	: 26
Dip. Th	: 05
Total	: 54

MEMBER PANTHEIHNA:

GBC a member suahtheihna tuamtuam te leh tu lel a member om te dinmun: (as of Feb 28, 2018)

New Rates & as of 28, Feb 2018

1. Special Patron	10,000 >	: 158
2. Group Patron	5,000	: 102
3. Individual Patron	2,000	: 1,436
4. Life Member	1,000	: 613
5. Memorial Gift	500	: 387
6. Wedding/Anniversary	100	: 38
Total		: 2,734

GBC A SINTU NAUPANG CHAWMNA:

(BOG, 173 meeting 2016 thupukna dungzui a mimal/saptuam/dept/divn)

GINNA THUCHIAM CARD TUNGTAWN A KHATENG A Rs. 500/- leh atunglam= Naupang chawm ahi.

NAUPANG CHAWMNA BAWLZAH=MI 353

**“ FAITH IS TO BELIEVE
WHAT WE DO NOT SEE,
AND THE REWARD OF
FAITH IS TO SEE
WHAT WE BELIEVE ”**

PATHIAN NNA A THUPI MAHMAH SEPNA AH KALBI THUM OM AHI CHIH KA MU KHIA. A MASA IN, THIL HITHEILOU AHI PHOT A, HUAI KHIT IN THIL HAKSA AHONG SUAK A, TUA ZOHIN TUH, ZOH AHITA CHIH AHONG SUAKTA HI – J. HUDSON TAYLOR